

# Poesias

Autor(en): **[s.n.]**

Objekttyp: **Group**

Zeitschrift: **Annalas da la Societad Retorumantscha**

Band (Jahr): **6 (1891)**

PDF erstellt am: **11.10.2015**

## Nutzungsbedingungen

Mit dem Zugriff auf den vorliegenden Inhalt gelten die Nutzungsbedingungen als akzeptiert. Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die angebotenen Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungshinweisen und unter deren Einhaltung weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



# Poesias.



## Ilg ABC Spiritual.\*

Sa caunta enten ilg Miedi seo:  
„Jeu vi cantar dils vegls Grischuns.“

Ilg ABC lein Nus cantar,  
Scading buchstab Nus vean a dar,  
Un bien cunselg, cun grondt dalegh,  
Cun tut tadleit si bein andreggh.

Ilg A quel ghi aschia:  
A Deus persuls deis ti servir,  
A gli persuls deis ubbadir,  
Avont Ell star, d' Ell ta fidar,  
A mai Ell en Agidt clummar.

---

\* „Ilg ABC spiritual“ as rechatta nella collecziun da manuscripts del Sgr. P. P. a F.

Quista, seo püssas otras poëcias spirituelas derivan da *Luzi Gabriel*, oriunt da Fettan [Ftan], pradichant a Ilanz [Glion].

*Fluri Buol* da Dusch füt scolar da Luzi Gabriel a Glion, per imprendere la lingua Romaunscha, e copehet intuorn l' ann 1680 bgerras poëcias da L. Gabriel, dellas quellas püssas sum conservedas ed as rechattan nella supra nommeda collecziun.

Quista poëcia füt gia stampeda nella terza Annada da nossa Annalas, seguond ün oter manuscript, chatto a Donat. Siand ils manuscripts in bgers lös varieschau, publichains eir quist, perche ch' el ais probabel il pü velg et eir perche cha il manuscript Donat s' avicinescha al dialect da Schams.

C. P.

**Ilg B** quel ghi:

Bauld la dumaun, cur ti stas si,  
Bannadir Deus deis, ad aung pli,  
Bandunna ilg mal, fai quei ch' ei dregh,  
Bieus ei quell, ch' ä in tal dalegh.

**Ilg C** quell ghi:

Chei cha ti fäs, deis partarchiër,  
Chei fing teu faig veng a pigliër,  
Cur ing partracchia s' ilg davòs,  
Cat' in tut ilg davaunt, davòs.

**Ilg D** quell ghi:

Dei leugh als grondts, mo temma pli,  
Deus cà po ti lavantar si;  
Dils morts far salf, ner condemnar,  
Deus pò mai Ell persuls quei far.

**Ilg E** quell ghi:

En la vantira t' aulza buc,  
En crusch ta starmantar nagut,  
En amadus partrachiâ bault,  
En terra mida, en tschiel jeu saudt.

**Ilg F** quell ghi:

Fei dregh, à seigas prus charins,  
Fei quei, ch' ei char à tes vaschins,  
Fei quei chei dregh, à temma Deus,  
Fei Satan trurig, legra Deus.

**Ilg G** quell ghi:

Ghi bucca mal, girar nagut,  
Ghi la vardad, ilg mal ten sut,  
Giugar, saltar buc tutta via,  
Gunchischia mala cumpagnia.

**Ilg H** quell ghi:

Hagias Deus semper en teu cor,  
Hagias cardienscha or ad or,  
Hagias cun tuts inna compassiun,  
Has ilg soing spiert, sch' as er quei dunn.

Ilg **I** quell ghi:

In teu Juven temps deis ti  
Inprender an qual causa d' bi.  
Justia drova cun scading,  
Juvens, à vegls tuts fìng ad ing.

Ilg **K** quell ghi:

**K**umprein ilg temps ghi Paulus sez,  
Krudels tiranns fan bucca lgez;  
Kumprien ils Richs pir pròs ad èrs,  
Kumprein ilg Tschiel senza danërs.

Ilg **L** quell ghi:

Lei pir chi crodig tiers à chi,  
La crusch tristezza ad auter pli,  
Lg' ei mai per in tempset da far,  
La crusch en gliergia sa ven midar.

Ilg **M** quell ghi:

**M**angier pòs bein quei cà ti hàs,  
Mò gir deis buc quei cà ti sàs,  
Manar la bucca ei natiral,  
Mò beara Lgleut la dovren mal.

Igl **N** quell ghi:

**N**uscher deis ti nagin cartschiaun,  
Ni cun teu 'pleedt, ni cun teu maun,  
Nus nging nà pò tuts mai d' ing,  
Nies cor dai hassagiar naging.

Igl **O** quell ghi:

**O** chier Cartschiaun partracchia bein,  
Or dilg mal viver chei d' nus vein;  
Oz has silg Mundt in bien Amig,  
Or d' pitschna skisa in Anamig.

Ilg **P** quell ghi:

**P**artchira teu cor da puccau,  
Par teu Vasching hacias quittau,  
Par an pau pli bein star s' ilg Mundt,  
Pireinta bucca l' olma zundt.

Ilg **Q** quell ghi:

Quesch chieu cun Deus, à buc pupplar,  
Quei ch' ell tarmet ta deis contentar,  
Quell antalli pli bein cà nus,  
Quei ch' eis ilg pli nizzeivel par nus.

Ilg **R** quell ghi:

Renda mai bucca mal per mal,  
Ramett' à Deus schi fàs buc mal;  
Rient nagin sa dar scò Ell,  
Raschun nagin taner scò quell.

Ilg **S** quell ghi:

Sajas parderts, einfaltigs er,  
Sco Christus ghi, à sco Ell vult ver,  
Sch' in vult tras quest mal mundt passar,  
Stò in scò las Zerps, à Tubas far.

Ilg **T** quell ghi:

Teu faig stòs ti sin Deus tschantar,  
Teu cor sin Ell parsull pusar,  
Tarmet tiers Ell ils tès suspirs,  
Tuts quels cà fan quei, ean sagirs.

Ilg **U** quell ghi:

Uràr deis ti cun bucca, à cor,  
Uràr da tut temps or ad or,  
Ura tiers Deus ilg tuttpussent,  
Uratium fideivla aud' ell bugent.



## Il di dellas olmas.

(1891.)

(Da J. A. Bühler.)

---

Co eis tot il mundan be caussa vana,  
La quala, pür creada, sto svanir!  
Da curt mi aunc flurivan allegrezza,  
Ma oz dolurs profundas sto sentir,  
Essend uss arrivau il di de larmas,  
Il di a regordanzas dedicau,  
Il di che nascher fa tristezza granda,  
Svegliand memorias del temps passau.  
Al camp dels morts nus meina oz la senda,  
Al lœc quiet che vezza nos cridar,  
Al ort che semper in dolurs punschentas  
Nos pauper, debel cor fa palpar.  
Quietamein qua dorman sut flurinas  
Noss cars, tgi tocs sun dalla freida mort,  
Ruausan qua in longas, tristas reças,  
Mussand er nus nossa futura sort.  
Qua çercan oz ils orfans babs e mammas,  
Anquiran cun dolur lur geniturs;  
A çel credend cun rög fervent se volvan,  
Cuvrind las sepulturas cun lur flurs.  
La mamma per l'infant qua larmas spanda  
Il qual siu cor teneva aschi car,  
E flurs vezend sün sia nova fossa,  
La cretta be la po aunc confortar —  
La cretta che la dat certa speranza  
D' ün di siu aungel car poder revèr  
E cun deletg in compagnia sia  
Il long e dulç ruaus etern goder.  
Là planschan paupras viduas e lamentan,  
Havend lur conjugals da deplorar,  
Ils quals la nauscha mort cun ingordenscha  
Ha da lur sein amant podiu sdrapar.

In lur familias la miseria regia,  
Mancand a quellas lur educatur,  
E cun adversitads havend da batter,  
Per tant plü fitg s' augmenta lur dolur.  
Il vieu la fossa cerca della donna  
Tg' il, bandunand, ha in tristezza mess,  
E larmas oz gli curran dallas vistas  
E curran tot in fila senza çess.  
O quant profund il mal siu cor tormenta  
E strenscha aschi fitg siu pèz dolent!  
Be l' oraziun il po in tal' anguscha  
Aunc confortar e prender siu torment.  
Er frars e soras oz quest camp frequentan  
E çercan lur decess cun pietad:  
Ůn auter frar, u üna cara sora,  
Tgi gia passai sun nell' eternitad.  
O qual human ha oz negünas larmas  
E tgi negüns dels ses da condoler!  
Il mund intèr oz fitg se contristescha  
E non po sias larmas retener.  
Ma jeu, mettend questas dolurs in rima,  
Totüna hai cattau ün grand confort;  
Pertgei miu cor cun aulta vusch m' acclama:  
*„Revêr e nova vita dat la mort!“*



## Il 1 e 2 d' Avust 1891.

(Da J. A. Bühler.)

Grischun, oz vol tü celebrar  
Ůn di fitg d' importanza  
E grandiusa festa far  
Als babs per regordanza.  
Els liberau e segürau  
Te han da garmischia  
E destruü e sepelliü  
Il giuf da tyrannia.

Be te regorda dels babuns  
Tgi han cun ferma spada  
Battii ils arrogants baruns  
In lita desperada,  
Han cun honor tras lur vigur  
La ferma ligia fatga,  
Valentamein e frecamein  
Er l' oppressiun disfatga.

Nus debitein ingraziament  
Als babs grands in bravura,  
Ad els, tgi cun tant ardiment  
Adüna cun premura  
Han sustener e mantener  
Voliu l' îndependenza  
Per testament d' ün temps valent  
A tot lur descendenza.

Nel temps antic zun ferms castells  
Ornavan las valladas;  
Noss babs parevan be rebels  
Als grands cun fermas spadas;  
Ma cun ardur han e splendor  
Mussau, tgei ch' els savevan  
E strementau e tementau  
Tot quels, tg' ils opprimevan.

Els han allur' unitamein  
Conclus, tots bein perüna,  
Da se dostar avertamein  
E da çuncar la spina  
Che lavagar e stenschentar  
La bella flur voleva,  
L' egualitad e libertad  
Che prosperar doveva.

Gia sêscet anns sun uss passai  
Che questa ligia vala,  
E sun ils stadis fortunai  
Sut quella; e mai cala  
Nos sentiment d' ingraziament  
Vers la buntad divina  
Tgi concediu, nus manteniu  
Ha libertad adüna.

Perquei nus tots uss giubilein,  
Fagein oz granda festa,  
Dels babs valents nus regordein,  
Tenend ad ault la testa.  
Deus benedir e far flurir  
Aunc vögli nossa terra,  
La pasch nus dar, nus conservar  
Da tots conflicts e guerra!



## Alla patria.

1891.

Avaunt ses seculs, o patria mia,  
Gniva güreda Ta prüma lia;  
Avaunt ses seculs (oh buna nova!)  
Per Te spuntaiva ün' aera nova;  
Inchaminaivast la dretta via



Per batter, vainscher la tirannia,  
Perque, ma patria, pür giubilescha,  
Ta prüma lia hoz celebrescha!

E quella lia Dieu benediva,  
Ch' ella düraiva, ch' ella creschiva;  
Quella Ta staila, quella Ta guida,  
L' impuls, o patria, chi T' ho unida;  
Quell' a' T mussaiva là forz' eterna  
D' uniun fidella, d' uniun fraterna,  
Perque T' allegra, o patria mia  
E celebrescha Ta prüma lia!

Ah, greivas provas Tü traverseivast,  
Crudellas guerras batter stueivast  
E fin Ta forza e la vittoria  
Mettaiv' in prievei ün di Ta gloria  
E, la pü greiva! Tia terr' ais steda  
Per guerr' interna insanguineda,  
Ma 'l spiert, ch' infuorma Ta prüma lia,  
Tuot superaiva, o patria mia.

Ed hoz Ta spelma non port' il gnieu,  
Sco üna vouta, d' la tirannia;  
Hoz Tas cavorgias e Tas otezzas  
Da Tia defaisa sun las fortezzas  
E Tü, ma patria, est rispetteda,  
Tü prosperusa, Tü fortüneda,  
Perque T' allegra, o patria mia  
E celebrescha Ta prüma lia!

Schi, pür T' allegra, o patria mia,  
Ma eir ingrazcha il maun da Dieu,  
Chi T' ho protetta, T' ho benedida!  
Ah, reista saimpër ferm' ed unida  
E cunter tuotta noscha pussanza,  
Cuntr' egoismo ed ignoraunza  
Combatt' adüna, o patriä mia,  
Rennov' adüna Ta prüma lia!

*J. P. Balastèr.*

# Hymnus patriotic.

Traducziun del Tudasch tres **Andrea a Porta** V. D. M.  
(1835—1889).

---

Clamas, o Patria, meran's units aquà, prompts at servir,  
[: Il pü custaivel bain  
Gugent nus dedichain,  
Per tai nus viver v'lain, schi eir morir. :]

Scha per cas ün regent, ans voless far spavent con spad' e fö,  
[: Schi sco ün ferm torrent  
Chi sdrapa tuot d'avent,  
Sün l' inimih crudain E'l fain dar lö.:]

In guerra valorus, in pasch religius con ditte e fatte,  
[: Usche onur rendain  
Al nom cha nus portain,  
Libers ans conservain sco 'ls antenats. :]

Florescha Patria, in pasch e libertà ed uniun!  
[: Sajan sincerità,  
Güsti' ed onestà,  
Virtüd, simplicità teis ornamentals. :]

'Lura, o Patria, giodan felicità teis abitants.  
[: In tuot il muond non ais  
Abain grand e distais  
Plü fortunà pajais co l' Elvezia. :]



## L'Eivna Sencha in Engiadina.

---

Ais Pasqua! vacanza, algrezcha, gustezzas,  
Ils övs colurieus giarons a bütter,  
Fin l' ultima saira laschairs d' vart las lezchas  
A spass gieins a smèdas, sü 'ls Ots a giover!

Ais Pasqua! las mammas containtas eir ellas  
D' vair d' chera Brajeda l' dalet e sorir!  
Grand' smagna, fatschendas per fer las bütschellas  
Per 'ls Lur e 'ls pü povers ils övs colurir!

Dalet, desideri d' girer sün colinas  
Sün prümas terrenzlas, da clër prüma flur  
Pü dutsch l' Eivna-sencha ais l' chaunt d' lodolinas  
Pü Bel, Solenn pèra tuot flèd — chaunt d' amur!

Vais fors' nel santeri eir vus violettas  
Aviert gia las tombas, per 'ls tömbels guarnir?  
Schi sajas Bainvgnidas flurinas dilettras,  
Très Vus noss Chèrs pèran 'ns tschantscher e 'ns sorir!

Ma sch' eir naiva, boffa, glatsch cuvra la via  
L' fraid vent e la bischa 'ls ütschöls faun gemir,  
D' Sench' Eivna strasora, hò ègn' melodia  
Da Golgota pèra ün plaunt, ün sospir!

Viv stimul eir santa pü d' ün l' Eivna-Sencha  
Il pöver, sieu prossem bsögnus d' surlavger!  
Eir sgür quell' algrezcha pü dutscha, pü sencha  
Cha 'l muond, sias ricchezzas, dalets nu 'l paun der!

E cur cha la Festa, aunz l' Alba as oda:  
Ais Pasqua! Ais Pasqua! dal sain dir il tun,  
Vers l' Tschel l' cour as oza, ingrazcha Dieu l' loda,  
E santa ch' ais l' Sench-Di d' Amur e Perdun!

*G. Mathis.*



## Confirmatiun.

(Vid. cud. d. Baselgia N. 145; libera versiun.)

Exod' o Dieu! noss lamanter;  
Non vöglast Tü ans condamner —  
O mera sün nus, cher Salveder,  
Affabel figl del grand creeder —  
O pieted, o charited.

Ans praista Tü, Teis spiert benign,  
E fö nus ferms infin la fin.  
Tieus duns celests sur nus spand' oura,  
Acciò cha 'l bön eir nus non moura,  
[: Cha restans ferms. :]

Con Tè volains ans allegrer,  
La veglia lia renover:  
Dal pcho fö 'ns liber eir d' invia  
E sequiter la vögla Tia,  
[: Exod' o Dieu. :]

*Hans Gregori.*



## Meis chèr löet.

Ůn giardin sü ot flurescha, Da quel ressuna chaunt da lod. La natüra verdagescha, Utschellins svoleazzan ot. [: Pasturets il flauto sunan — E lur scossas non bandunan. Cognuschais quel pajaiset? Chi ans porta taunt dalet! :]	Ůna vouta tyrannia Ferm opprimit noss bábuns, Ma uossa regna armonia In tuots ils 22 chantuns. [: D' potentats els s' liberettan, Nel combat lur saung spandettan Per obtgnair la liberted! Tüert guinchet alla vardet. :]
---	---

Oh! mia patria taunt ameda!  
Be Tü est noss pü bel giardin.  
Nöbel spiert, vallent' armeda  
Mantegna tschert eir Tieu confin.  
[: Pasturets il flauto sunan —  
E lur scossas non bandunan.  
Cognuschais quel pajaiset?  
Chi ans porta taunt dalet! :]

*Hans Gregori.*



## La Capella.

(Seguond Uhland.)

---

Gio del munt la baselgetta  
Guard' amabel sül fuonz verd,  
N' ua sper la funtaunetta  
Chaunta cler il pasturet.

Trist s' deresen d' la collina  
Tun dels sains e chaunt da mort  
Chanzunettas pü non chaunta  
Il pasturet chi guard' in ot.

Cosü ün in fossa metta  
Quels chi croudän della mort  
Pasturet! N' a chanzunetta  
Chaunt' ün per te, cur ais ta sort.

*Hans Gregori.*



## L' anguel.

„Opus ignoti“.

---

Da la vegla baselgia sur la schüra  
Port' ün anguel in dschnuoglas es posà  
A quels chi aintran il binvgnaint el da  
Cun prus surir intuorn la bocca püra.

Adüna cur ch' eu pass quella figüra  
Uschè graziusa am atira là  
E seis surir etern nel crap fixà  
Am para quel da viva creatüra.

Chi sa? Forsa l' artist amet ün di  
Et el l' imaigna da sia bainamada  
Sut fuorma dad ün anguel ha sculpi;

In ot in ün sonch lö el l' ha plazada,  
Sanctifichond il sömi seis svani  
Cun l' ümla cretta da l' etad passada.

*P. J. Derin.*



## ∞ Rösa. ∞

Rösa 'm irügl davaira  
Cha eu nun at clejet  
Cura cha tschella saira  
Serrad' amo 't vezet!

Uoss' est fingià sechada  
Bod sainza föglas plü,  
Sch' eu 't vess cun mai portada  
Plü lönch vessast vivü.

„Mas povras föglas lascha  
„Spassir qua sül terrain;  
„Eu mor, alch chi rinascha  
„Madür' aint in mis sain.“

„Nov sem per novas rösas  
„Cha nel avgnir eu büt;  
„Scha tü 'm havessast cletta  
„Havess eu portà früt?“

*P. J. Derin.*



## Il comün nel silenzi ...

Il comün nel silenzi  
Uossa taidla sömgiond  
Las anticas tarablas  
Cha la val vain quintond.

Minchatant il guitader  
Sa chanzun fa udir,  
El passà, nel silenzi  
Darché tot tuorn' a vgnir.

Eir las uras chi battan  
Dal clocher pac davent  
Ün pa tremblan nel ajer  
E svanischon cu 'l vent.

Be eternas splenduran  
Sü nel ot stailas d' or,  
Che ma hast tü da batter  
Usché ferm o meis cor?

*P. J. Derin.*



# Infanzia!

---

Dis fortünos! Infanzia, quaid' aurora!  
Flur ch' in passand apaina l' hom respira!  
Sömi luntan ch' ün tscherch' e ch' ün adora!  
Alaunt il pass — il temp vain ch' ün suspira.

*G. Singer.*

Felizi cuorrast tü tras èrs e sendas  
Del vegl zardin cha il sulai surdora  
Clejond ün püschel est in grond fatschendas;  
*Dits fortünats! Infanzia quaid' aurora!*

Eu od inminchatant ta vusch chi ria  
Ell' ün surir eir sün meis lefs atira.  
O dutsch' infanzia temp plain da poesia!  
*Flur ch' in passand apaina l' hom respira!*

Eir sch' ella 's perda, 's perda per adüna  
Pür l' algordanza d' ella ma na mora  
Reista tras il müdar da la fortuna  
*Sömi luntan ch' ün tscherch' e ch' ün adora!*

O giod infant! ti inozaint 'öglada  
Serain' in la daman d' la vita mira  
Eu vuless dir a ti' etad beada:  
*Alaunt il pass — il temp vain ch' ün suspira:*

*P. J. Derin.*



## Il giall.

---

Sainza savair las nottas  
Chant' il gial sa chanzun  
E las giallinas tuottas  
Svoulan gio del maschun.

Our' sün la spassegiada  
Main' El da gallanthom,  
Sia interra brajada,  
In la clamand per nom.

E da a sas giallinas  
Ogni granin chattà  
Pro fraischias fontanas  
Las main' el our sü 'l prà.

Sch' ün scarafagio simbatta  
Schi pover ais sa sort  
L' ais per lura fattà,  
Il giall il picl' a mort.

Part' oura sa partetta  
Sainz' esser parzial  
Sainza curte ne furcletta  
Per ogni ün egual.

Il culöz ellas stendan  
Ingiün non pigl in mal  
Insembel qua marendan  
Non mettan ingün sal.

Cur saira fa non falla  
A temp el eir da manar  
Las giallinas in stalla  
Cha possan repossar.

Cur tuottas sun in stalla  
Clam' el kikiriki!  
Et mett' il che suot l' alla  
Per spettar l' auter di.

